

OFFERYNNAU STATUDOL CYMRU

**2015 Rhif 631 (Cy. 51)**

**Y GWASANAETH IECHYD GWLADOL, CYMRU**

**Rheoliadau'r Gwasanaeth Iechyd Gwladol  
(Diwygiadau Canlyniadol Diwygio Lles) (Cymru) 2015**

<i>Gwnaed</i>	- - - -	<i>9 Mawrth 2015</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>10 Mawrth 2015</i>
<i>Yn dod i rym</i>	- -	<i>1 Ebrill 2015</i>

Mae Gweinidogion Cymru, drwy arfer y pwerau a roddwyd iddynt gan adrannau 71, 128, 129, 130, 131, a 203(9) a (10) o Ddeddf y Gwasanaeth Iechyd Gwladol (Cymru) 2006<sup>(1)</sup>, drwy hyn yn gwneud y Rheoliadau a ganlyn:

**Enwi, cychwyn a chymhwyso**

1.—(1) Enw'r Rheoliadau hyn yw Rheoliadau'r Gwasanaeth Iechyd Gwladol (Diwygiadau Canlyniadol Diwygio Lles) (Cymru) 2015 a deuant i rym ar 1 Ebrill 2015.

(2) Mae'r Rheoliadau hyn yn gymwys o ran Cymru.

**Dehongli**

2. Yn y Rheoliadau hyn—

ystyr “Rheoliadau 1986” (“*the 1986 Regulations*”) yw Rheoliadau'r Gwasanaeth Iechyd Gwladol (Gwasanaethau Offthalmig Cyffredinol) 1986<sup>(2)</sup>;

ystyr “Rheoliadau 1997” (“*the 1997 Regulations*”) yw Rheoliadau'r Gwasanaeth Iechyd Gwladol (Ffioedd a Thaliadau Optegol) 1997<sup>(3)</sup>; ac

ystyr “Rheoliadau 2007” (“*the 2007 Regulations*”) yw Rheoliadau'r Gwasanaeth Iechyd Gwladol (Treuliau Teithio a Pheidio â Chodi Tâl) (Cymru) 2007<sup>(4)</sup>.

**Diwygio Rheoliadau 1986**

3. Yn rheoliad 13(2)(q) o Rheoliadau 1986, yn lle “31 March 2015” rhodder “31 March 2016”.

(1) 2006 p. 42.

(2) O.S. 1986/975 fel y'i diwygiwyd.

(3) O.S. 1997/818 fel y'i diwygiwyd.

(4) O.S. 2007/1104 (Cy. 116) fel y'i diwygiwyd.

#### **Diwygio Rheoliadau 1997**

4. Yn rheoliad 8(3)(q) o Reoliadau 1997, yn lle “31 March 2015” rhodder “31 March 2016”.

#### **Diwygio Rheoliadau 2007**

5. Yn rheoliad 5(1)(aa) o Reoliadau 2007, yn lle “31 Mawrth 2015” rhodder “31 Mawrth 2016”.

#### **Dirymu**

6. Mae Rheoliadau'r Gwasanaeth Iechyd Gwladol (Diwygiadau Canlyniadol Diwygio Lles) (Cymru) 2014(5) wedi eu dirymu.

9 Mawrth 2015

*Mark Drakeford*  
Y Gweinidog Iechyd a Gwasanaethau  
Cymdeithasol, un o Weinidogion Cymru

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn diwygio [Rheoliadau'r Gwasanaeth Iechyd Gwladol \(Gwasanaethau Offthalmig Cyffredinol\) 1986 \(1986/975\)](#) ("Rheoliadau 1986"), [Rheoliadau'r Gwasanaeth Iechyd Gwladol \(Ffioedd a Thaliadau Optegol\) 1997 \(1997/818\)](#) ("Rheoliadau 1997") a Rheoliadau'r Gwasanaeth Iechyd Gwladol (Treuliau Teithio a Pheidio â Chodi Tâl) (Cymru) 2007 ([2007/1104 \(Cy. 116\)](#)) ("Rheoliadau 2007").

Mae rheoliad 3 yn diwygio Rheoliadau 1986 o ganlyniad i gyflwyno'r credyd cynhwysol gan Ddeddf Diwygio Lles 2012 ([2012 p. 5](#)) ("Deddf 2012").

Mae rheoliad 4 yn diwygio Rheoliadau 1997 o ganlyniad i gyflwyno'r credyd cynhwysol gan Ddeddf 2012.

Mae rheoliad 5 yn diwygio Rheoliadau 2007 o ganlyniad i gyflwyno'r credyd cynhwysol gan Ddeddf 2012.

Mae'r Rheoliadau hyn yn dirymu Rheoliadau'r Gwasanaeth Iechyd Gwladol (Diwygiadau Canlyniadol Diwygio Lles) (Cymru) 2014 ([2014/460 \(Cy. 53\)](#)) ("Rheoliadau 2014").

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.